

而已何謂償債兒子致財父母散用無有限度兒子心亦無惜意是爲償債兒子何謂償債父母父母致財兒主散用父母不爲愛惜恣所當得皆是宿識因緣相償故無惜心諸此償債因緣合會對訖更散亦無常住明者覺之故不爲也唯有道德可以久保吾

前世時亦更爲人償債奴婢兒子父母不可稱數皆有一時之緣難可免脫至今得道現我父母皆先世道德之緣不由償債父母世出放捨使我學道累功精進今成得佛皆是父母之恩人欲學道不可不精進孝順一隨失人種累劫不復五末之世特宜順行遭值

比丘少能自守清淨多有汙濁習俗之行高望遊步世人無異求好衣服學世辯辭追世禮費群黨相隨以快心意求世名譽教人入法度爲弟子不教護魔不依正道度世之業亦不學問追求明智自謂德大不守根門雖得爲人假時而已自謂長久不知大對當後受苦無窮竟已顛倒翻覆在魔部衆一何痛哉諸比丘以得人身六情完具觀佛經戒勤行當行誦之一失人本難有復時佛世難值經法難聞宜各思惟佛說經竟諸比丘皆儼然坐自思惟即得羅漢

分別經一卷

未生怨經

吳月支國優婆塞支謙譯

經道不可不勤遭值佛世不可不諦受者心遭值明人不可不勤問奉受何以故人身難有六情難具才聰難得佛難得見經難得聞故宜勤之佛言吾般泥洹後當有五逆惡世當斯之時真丹土域魔事當盛閉塞正道雖有經法少有學者設有學者少有行者世有

聞如是一時佛在王舍國雞山中諸天龍鬼神帝王臣民皆詣佛所稽首承風供養之儀靡不盡禮調達覩之其嫉無量還告太子未生怨曰汝父輩國衆寶以貢佛諸沙門國藏

空竭可早圖之即位爲王吾當興師往征佛也子可爲王吾當爲佛兩得其所不亦善乎子必成之未生怨與調達結斯陰謀已則勑秉勢臣令勒兵王還奪其印綬以付獄王還臣即如命以王付獄王意恬然照之宿殃心無恐懼重信佛言王曰吾有何過而罪我乎

皇后貴人寧土巨細莫不哀慟王顧謂哭者曰佛說天地日月須彌山海有成必敗盛者即衰合會有離生者必死由之憂悲輪轉無際以致重苦尋其源察其始因緣合會即有謂之生因緣離散即滅謂之空夫身者四大耳衆生魂靈寄處其中死還其本魂靈空去謂之非身身尚不可保何國之常守乎佛初入國吾未有子也問吾寧知當來王不平吾對曰不知世尊重曰一切無常汝諦思之佛之誠我正爲今也各努力建志懷存佛誠矣王謂太子曰汝每有疾吾爲焦心欲以身命受危代汝親之仁恩推天爲上汝懷何心忍

卷六

六

爲惡逆乎夫殺親者死入太山不中止息汝將當之也吾是汝尊重親尊孝尚恐名不稱豈況殺父乎以國惠汝吾欲至佛所作沙門吾觀姪洙猶火燒身女類之好以爲虛空無目之徒靡不惑焉惟覩佛經照女僞之尤惡知榮利之害身太子曰汝莫多云吾獲宿願

豈有赦哉勑獄吏曰絕其餉食以餓殺之有司將入獄鉢沙王向佛所在稽首重拜曰子有天地之惡吾無終髮之忿心矣惟存佛教世無常樂其苦有長入獄被髮仰天呼曰痛乎天豈有斯道哉后妃貴人舉國巨細靡不哀慟后謂太子曰大王掠桎梏處牢獄坐卧須人其痛難言自汝生來大王赤心懸情于汝食息不忘四大盈縮旃伏臨汝涕泗交并心燋體枯欲以身命代爾殯矣當存天人之育無爲逆也佛說經云夫善之極者莫大於孝惡之大其惟害親乎長幼相事天當祐之豈況親哉汝順兒虐爲斯重惡必入太山世

間六十億年爲太山一日一夕所更諸毒每處有年汝其畢之不亦難乎夫快心之士無不後悔太子曰吾少小有志殺父爲王今日獲願何諫之云乎后曰夫不用諫者亡國之基矣吾欲見大王寧可不乎太子曰可后淨身澡浴以蜜妙塗身入見大王面顏瘦瘠不

每八

七

七

識舉哀聞之者莫不揮淚后口佛說榮樂無常罪苦有恒王曰獄吏絕餉食飢渴日久身八萬戶戶有數百種蟲擾吾腹中血肉消盡壽命且窮矣言之哽咽息絕復連后曰具照斯難妾以妙蜜塗身可就食之當惟佛誠無忽也王食畢向佛所在哽咽稽首曰佛說榮

福難保如幻如夢誠如尊教謂后曰吾爲王時國土廣大衣食從好而今處獄當就餓死子所從得桀逆之師違佛仁教吾不懼死惟恨不面稟佛清化與鷲鷺子目連大迦葉講尊道奧耳王重謂后曰佛說恩愛猶若衆鳥會栖于樹晨各離散隨其殃福目連衆始已

除諸惡已滅得于六通四達尚爲貪嫉梵志所撻豈況吾哉爲殃惡追人猶影尋身響之應聲佛時難遇神化難聞賢衆行高儀式無量非世儒所能履行懷佛經典以仁化民獲供養之福稟其清化誠亦難值哉吾今死矣遷神遠逝夫欲建志莫尚佛教也汝慎守之防來禍矣后聞王誠重又哀慟太子詰獄吏曰絕王食有日不死何爲對曰皇后入獄有妙蜜之貢以延王命太子曰自今莫令后見王王飢勢起向佛所在稽首即爲不飢夜時爲明太子聞之令塞窓牖削其足底無令得起而覩佛明有司即削足底其痛無量念佛不忘佛遙爲說經曰夫善惡行殃福歸身可不慎矣瓶沙王對曰若當肢解寸斬於體終不念惡世尊重曰吾今爲如來無所著正真道最正覺道法御天人師三千大千日月天神鬼龍靡不稽首宿之餘殃于今不釋豈況

懼太山燒夷之罪中心在佛及諸弟子坐卧
敢忘即以手稽首今日命絕永替神化哪吒
哽噎斯須息絕舉國臣民靡不躋踴呼天奈
何瓶沙王即得道迹上生天上三道門塞諸
苦都滅矣

未生怨經一卷

無八

八

四願經

吳月支國優婆塞支謙譯

聞如是一時佛在拘夷那竭國與五百比丘
僧俱坐於尼延樹下爲數千萬人說法於是
城中有豪長者財富無數名曰純陀純陀有
子厭年十四時得重病不免所疾遂便喪亡

父母兄弟宗親中外莫不愛重啼哭憂愁安

可言也

是時純陀聞佛來化心大歡喜便告其妻言
今佛在此宜當往見其有聞佛說經法者莫
不開解忘憂除患即與其妻宗親僕從俱到
佛所爲佛作禮却坐一面長者純陀長跪以

手白佛言人在世間積聚錢財思慮勤苦不
敢衣食不知布施奉持經戒無尊無卑誰得
如願者或時命盡父母兄弟妻子親屬啼哭
愁毒爲其棺殮遺送財寶衣被飯食寧有益
於死者不佛告純陀及諸弟子聽我所說善
思念之純陀眷屬諸會弟子皆各以手一心
受教而聽

佛言人有四願不可常保何等爲四第一願
者是人身沐浴莊飾飯食五樂常先與之疾
病卒至不能止之命盡軀僵在地不隨人魂
神去空受重之知復何益第二願者謂財產
官爵俸祿得之者惠不得者愁疾病已來死

無八

九

至命盡所有財物官爵俸祿故在世間不隨
人神鬼去空爲愁苦第三願者謂有父母兄
弟妻子中外親屬朋友知識恩愛榮樂疾病
死至命盡復不能救我命亦不能隨我魂神
去空啼哭送我到城外深塚間以棄我去各
自還歸雖相追今愁苦憂思不過十日諸家